

01/2020

KIROL SAILA

48370 BERMEO
BIZKAIA

Erref.: 2025/IDA_ERA_0099

JAGOKON SAILARI BARNE KOMUNIKAZIOA

2025/06/04(e)(a)n **2025 - 000003340** zenbakia daukan ALKATETZA DEKRETUA onartu dala jakinarazoten deutsu(e)t:

Xedea

Futbol taldearekin 2025. urteko hitzarmena sinatzea eta dagokion gastua onartzea.

Aurrekariak

Lehenengoa: Bermeoko Udalaren 2025. urterako aurrekontuetan, Futbol Taldearen aldeko dirulaguntza nominatiboa jasotzen dau.

Bigarrena: Dirulaguntzen 38/2003 Lege Orokorraren 28. Artikuluaren arabera, dirulaguntza biderateko hitzarmena sinatu behar da.

Hirugarrena: Hitzarmenaren helburua, futbol jarduerak bultzatu eta babestea da Bermeoko udalerriko identitateagaz oso modu estuan lotuta dagoen kirola dalako.

Laugarrena: 2025eko maiatzaren 20an, Kirol Saileko zuzendari andreak justifikatze memoria eman du.

Bosgarrena: 2025eko maiatzaren 23an, Idazkaritzako Administrazio Orokorreko teknikariak txostena egin du.

Seigarrena: 2025eko ekainaren 4ean, Kontu-hartzaileak fiskalizazio txostena egin du.

Zazpigarrena: 2025eko ekainaren 4ean Kirol Saileko zuzendariak erabaki proposamena egin du.

Argudioak

Lehenengoa: Bermeoko Udalak 2025eko aurrekontuetan Futbol Taldearen aldeko dirulaguntza nominatiboa jaso dau eta elkarte honegaz hitzarmena egiteko proposamena.

Bigarrena: finantzatuko diren gastuak formazioa, baliabide materialen hornikuntza eta giza baliabideak, federazioen kuotak, beharrezkoak diren kudeaketa gastuak, garraioak, elkarteko ohiko ekintzak, futbolaren difusioa eta sustapena egiteko jarduerak eta programak.

Hirugarrena: Gastuak beharrezko atxikipena dauka RC 2025/553.



Agiri hau benetakoa dala udalaren egoitza elektronikoan egiaztatu ahal dozu.

Kodea:
07E90013381900K8P8R9B3Q118

Sinadurea eta data

JOSE RAMON ALBERDI ASTEINZA-IDAZKARI AKZIDENTALA - 04/06/2025
CN=tsa.izenpe.com, ORGANIZATIONIDENTIFIER=VATES-A01337260, O=ZIURTAPEN ETA ZERBITZU
ENPRESA-EMPRESA DE CERTIFICACION Y SERVICIOS IZENPE S.A., C=ES - 04/06/2025 13:44:59

EXPEDIENTE ::
2025IDA_ERA_0099

Fecha: 20/05/2025

Lekua: Bermeon

Erregistro unidatea:

Erregistro nagusia

CSV: 07E90013381900K8P8R9B3Q118



Laugarrena: Erregimena arautzen dauan 7/1985 Oinarri Legeak, honakoa xedatzen dau bere 5. artikulua, Toki Errejimenaren Testu Bateratua onartzen dauan 781/1986 EDLaren 111. Artikulua, Herri Administrazioen Prozedura Administrazio Orokorra onartzen dauan 39/2015 Legearen 86. artikulua, Dirulaguntzen 38/2003 Lege Orokorrak, bere 28.1 artikulua, Sektore Publikoko Kontratuen 9/2017 Legeak bere 6. Artikulua eta Sektore Publikoaren Errejimen Juridikoa arautzen dauan 40/2015 Legearen 47. artikulua eta hurrengokoak hartu dira kontutan.

Bosgarrena: Hitzarmena onartzeko ahalmenari jagokonez, Toki Erregimena arautzen dauan 7/1985 Oinarri Legearen 21.1. artikulua f) eta s) ataletan jasotakoaren arabera, alkateari jagoko, eta 2025/3304 dekretuan horrela jaso da.

Erabakia

Goian adierazitakoak kontuan hartuta, honakoa erabaki dut:

LEHENENGOA: Bermeoko futbol taldearekin 2025. urteko hitzarmena sinatzea onartzea.

BIGARRENA: aurrekontuko 01600-34100-481.01.24 partida ekonomikoaren pentzura, Bermeoko Futbol Taldeari 28.000 €-ko gastua onartzea eta esleitzea (AD), hitzarmenean agertzen den programako gastuentzat

HIRUGARRENA: Ordaintzeko modua honakoa izango da: hitzarmena sinatu ondoren, zenbatekoaren %75a, hau da, 21.000 € (O) eta %25a, hau da, 7.000 €, diru-laguntza behar den moduan justifikatu ondoren.

LAUGARRENA: Euskararen ordenantzak xedatzen dituen kultura, kirol, aisialdi elkarte, musika talde eta bestelakoei diru-laguntzak emateko baldintzak bete behar ditu diru-laguntzaren jasotzaileak.

BOSGARRENA: Interesdunari erabagiaren barri emotea, hitzarmena sinatu daien.

SEIGARRENA: Erabaki honen barri Idazkaritzari, Ekonomiari, Kontabilitateari eta Diruzaintzari jakinaraztea.

ZAZPIGARRENA: Hitzarmen honen publizitatea Diru-laguntzen Datu Base Nazionalan argitaratzeko agindua emotea Kirol Sailari.

ZORTZIGARRENA: Hurrengo Osoko Bilkuran erabaki honen barri emotea.

Honen guztiaren barri emoten deus(e)t jagokozan ondorioetarako.

Oharra: sinadurea eta data orri-oinean .



Agiri hau benetakoa dala udalaren egoitza elektronikoa egiaztatu ahal dozu.

Kodea:
07E90013381900K8P8R9B3Q118

Sinadurea eta data

JOSE RAMON ALBERDI ASTEINZA-IDAZKARI AKZIDENTALA - 04/06/2025
CN=tsa.izenpe.com, ORGANIZATIONIDENTIFIER=VATES-A01337260, O=ZIURTAPEN ETA ZERBITZU ENPRESA-EMPRESA DE CERTIFICACION Y SERVICIOS IZENPE S.A., C=ES - 04/06/2025 13:44:59

EXPEDIENTE ::
2025IDA_ERA_0099
Data: 20/05/2025
Lekua: Bermeon
Erregistro unidatea:
Erregistro nagusia

CSV: 07E90013381900K8P8R9B3Q118



BERMEOKO FUTBOL TALDEAGAZ LANKIDETZA HITZARMENA

JOSE RAMON ALBERDI ASTEINZA jaunak, Bermeoko Udaleko Idazkari Akzidentalak, fede emoten dau.

BATU DIRA

ALDE BATETIK: NADIA NEMEH SHOMALY And., (NAN: 72311504X), Bermeoko Udaleko alkate-udalburua

BESTE ALDETIK: ANDER GOIENETXEA BEITIA Jn., (NAN: 72.251.101-M) , Futbol taldeko presidentea

PARTE HARTZEN DABE

NADIA NEMEH SHOMALY And. Bermeoko Udalaren ordeaz eta izenean, 2025eko ekainaren 3ko 3304 zenbakia daukan ALKATETZA DEKRETUAREN erabakitakoari jarraiki, eta

Beste aldetik,

ANDER GOIENETXEA BEITIA jaunak, FUTBOL TALDEaren ordeaz eta izenean, Alkartek emoten deutozan ahalmenen arabera. I eranskinean (Zuzendaritza Batzordearen akta jaso)

ADIERAZTEN DABE

Bermeoko Udalaren ahalmenen artean dagoela kirola eta kirol-jarduerak antolatu eta sustatu, eta erabilera publikoko kirol-ekipamenduak antolatzea, Euskadiko Toki Erakundeei buruzko 2/2016 Legearen 17.1.19) artikuluz bat.

Hori horrela, Udalaren asmoa dala futbol jarduerak bultzatzea eta babestea.

Horretarako, Bermeoko Udalak aurreko urteetako joereagaz jarraitzeko eta bermatzeko herri mailako kirol ekintzak antolatzea, biztanleriaren partaidetza zabala bilatzeko helburuz hain zuzen be, talde baten beharra dauka eta Futbol taldeak kirol jarduera horreek antolatzeko giza baliabide nahikoa dauka. Herrian futbol talde bakarra egonda, Udalak taldea lagundu



nahi dau, kirol ekintza osagarriak eta berdintasunean oinarrituta antolatu daizan.

Hori horrela, alderdi bien lankidetzeara arautzea da hitzarmen honen helburua.

ERABAKITZEN DABE

LEHENENGOA: Bermeoko FUTBOL TALDEak 2024ko abuztutik 2025eko uztailean doan denboraldian ondorengo kirol jarduerak antolatzea:

- Urte osoan, futbol harrobiaren etorkizuna bermatuko dauzan jarduerak eta jagokozan ekimenak antolatu eta kudeatuko dauz, Bermeoko neskek zein mutilek, ume zein gazteek parte hartzeko aukerea berdina izan daien.

Helburua betetzen jarraitu ahal izateko, diruz lagunduko dana da 2024ko abuztutik 2025eko uztailean epearen barruan gauzatzen diren jarduerak.

BIGARRENA: Futbol taldeak honako baldintza honek beteko dauz:

- a) Egoitza Bermeon eukiko dau eta Bermeoko futbola bultzatuko dau.
- b) Irabazteko asmo bakoa izatea.
- c) Bermeoko Udalak beste inoiz diru-laguntzaren bat emon badeutso, diru-laguntza horren kontra egindako gastuak justifikatuta eukitea.
- d) Hitzarmena sinatzen dan egunean tokiko zerga zorrak ordaindurik daukiezala kreditatu beharko dabe. Bermeoko Udalak ziurtatuko dau puntu hau.
- e) Identifikazio fiskaleko kodea eukitea eta egunean egotea betebeharriskaletan eta Gizarte Segurantzari.
- f) Bermeoko neskek zein mutilek, ume zein gazteek kirol honetan parte hartzeko aukera izan daien ahalegina egingo dau.
- g) Ezin izango da inolako diru- laguntza edo laguntzarik eman sexuaren ziozko bereizkeria eragiten duen edonolako jardueratarako.
- h) Futbol taldeak aurrekontuaren %50etik gorako autofinantzaketa izan beharko dau.
- i) Emakumeen eta Gizonen Berdintasunerako otsailaren 18ko 4/2005 Legearen arabera sexu-diskriminazioan erori izanagatiko zigor- edo administrazio-arloko zigorra jaso ez izanaren aitortpena.

Hitzarmena sinatu aurretik hurrengo baldintzak justifikatu beharko dauz: e (bigarren zatia), f, g, h eta i, hain zuzen be. Aipatzen diren aurreko baldintzak jada justifikatuta daude edota Udalak justifikatu behar ditu: a, b, c, d eta e (IFK eukitea).

Bermeoko Udalaren alkatearen izenean esandako baldintzak beteten dirala ziurtatzen dauen zinpeko aitortpena aurkeztu beharko da, Futbol Taldeko presidentek sinatuta, udaleko, edo Herri Administrazioen



Administrazio Prozedura Erkidearen 39/2015 Legeko 16.4. artikuluan jasotako bestelako erak erabiliz.

HIRUGARRENA: Hitzarmenaren **lehen ordainketea egin aurretik**, udal dirulaguntza eskaera orria normalizatua behar dan moduan osatuta (**1.1 eta 1.2 eranskinak**) aurkeztu beharko da, eta taldean parte hartzen duten jokalarien kopuruak, asteko entreno orduak, zenbat talde, zein mailatan, eskolar mailako fitxak, federatu mailako fitxak, e.a. dagokion inprimakia beteta (**3.1 eranskina**)

Diru-laguntzearen **bigarren zatia** kobratu ahal izateko, agiri honeek aurkeztu beharko dira:

- a) **Jarduera txostena edo memoria (2.3 eranskina):** Esandako denboraldian eginiko jardueren txostena, bertan deskribatu beharko dira egindako jarduerak, zabalkunderako hartutako neurriak, hitzarmenean jasotzen diren beste baldintza batzuk, jarritako helburuak eta eskuratutako emaitzak eta helburuen lorpen maila. Proiektuaren garapenean egindako aldaketak, hala bada. Txostenaren gehienezko luzerea 4 orrikoa izango da. Atal honetan zehaztu beharko da euskerearen erabilera kirol jardueretan (entrenamentuak, publizitatea...)
- b) **Kontu garbiketaren aitorpena (2.2 eranskina) eta Diru-sarreraren eta gastuen zerrenda (2.1 eranskina).** Puntu honegaz batera fakturak erantsiko dira, dagokion ordainketa ordainagiriarekin.

Dokumentazioaren aurkezpena egiterakoan ez bada aurreko puntuetan eskatutakoa formalizatzen, interesdunak **10 eguneko epea izango dau akatsak zuzentzeko**. Denpora tarte horretan ez badira zuzentzen, eskariari uko egiten deusola ulertuko da.

Agiri honeek ez aurkeztea diru-laguntzea ukatzeko eta ordaindutako lehenengo zatia itzultzeko zioa izango da.

Lehenengo zatia itzuli behar izatekotan, lege interesak gehituta itzuli beharko da

LAUGARRENA: Bere aldetik, eta zio hau bide dala, Bermeoko Udalak **HOGEI ETA ZORTZI MILA EURO (28.000 €)** ordainduko deutsoz **FUTBOL TALDE**ari. Diru kopuru hau zatika ordainduko da, 2025. urte barruan. Ordaintzeko modua honakoa izango da: hitzartutako kopuru osoaren % 75a, hau da, 21.000 €, hitzarmena sinatu eta lehen zatia kobratzeko eskatzen den



dokumentazioa aurkeztu eta gero, eta gainontzekoa, 7.000 €, dagokion justifikazioa egin ondoren.

Diru-laguntzaren aurrerapena bermatzeko ez da beharrezkoa izango bermea ipintea, talde horren ibilbidea ikusirik. Ez da aurreikusten jasotako laguntza bere helburura ez bideratzea edota bestelako ezertan xahutzea

Dirulaguntza honeri aurre egiteko Aurrekontuaren izendun partida honakoa da: 01600 34100 4810124.

BOSGARRENA: Diru-laguntzak borondatezkoak eta aldi baterakoak izango dira. Baten emoteak ez deuto derrigortasunik eragingo Bermeoko Udalari, eta ez dau beste urte batzuetarako eskubiderik emoten ez aurrekaririk ezarten.

Diruz laguntzeko gastuak izango dira zalantzarik gabe beharriazkoak direnak hitzarmen honetan araututako diru-laguntza betetzeko

Diru-laguntza ezin izango da gehitu ez berrikusi (ezin da erreklamaziorik egin).

Jasotako diru laguntza lortu daitezkezan bestelako sarrera publiko zein pribatuekin bateragarriak izango dira, betiere gain-finantzaketarik ez dagoen bitartean.

Horrela izanda Bermeoko Futbol taldea behartuta egongo da bere finantzaketarako lortzen dauzen bestelako sarrera eta diru laguntzen barri emotera eta, danatara %100etik gorako finantzaketarik lortzen badau, Bermeoko Udalari horren barri emoten, gain-finantzatutako kopuruak berreskuratzeko prozedurari hasiera emoteko.

Horrela egingo ez balitz, zigorra ipintzeko arrazoia izango litzake, itzuli beharreko kopuruari lege interesak aplikatzearen kalte barik

SEIGARRENA: Futbol taldearen betebeharrak:

1. Hitzarmen honetan jasotakoa betetea.
2. Programearen ardura bere egitea.
3. Futbol taldearen ekintzen publikidadean, Bermeoko Udalaren logoagaz agertzea.
4. Bermeoko Udalari lankidetzaren kontrola egiten iztea.
5. Aurretik emondako diru-laguntza guztiak justifikatuta eukitea.

ZAZPIGARRENA: Udalaren betekizunak, diru publikoaren erabilerari jagokonez.



Bermeoko Udalak, bere aldetik, eta Diru laguntzak arautzen dauzan 38/2003 Legearen aginduei jarraiki, honako eginkizunak beteko dauz:

- Emondako diru laguntzearen kontrolak egin, diru laguntza oinarritzen dauzen helburua eta egintzak benetan egin dirala egiaztatu ahal izateko.
- Lege berari jarraiki, diru laguntzearen oinarriak ez dirala bete ikusten bada, edota ez dirala era egokian justifikatu ikusi ezker, desbideratutako diru publikoa berreskuratzeko, udalak jagokozan prozedura eta espedienteak izapidetuko dauz.
- Era berean, hitzarmen honetan jasotako baldintzak zehatz betetzen ez dirala ikusi ezker, emondako diru laguntza berreskuratzeko, udalak jagokozan prozedura eta espedienteak izapidetuko dauz.
- Eta bardin jokatu dau udalak, emondako kopuruak hitzarmen honetan jasotako helburuak betetzera bideratu beharrean bestelakoetara bideratu dirala egiaztatuko balitz.

ZORTZIGARRENA: Euskerearen erabilera

- Prestakuntzea euskeraz hartzeko aukerea dagoan kasuetan, prestakuntzea euskeraz eginda daukien entrenatzaileak hobetsiko dira.

- Entrenamentuetan eta futbol partidetan euskerea erabilteko ahalegin berezia egingo da. Euskerea erabilten dan taldeetan euskereari eutsi egingo jako, entrenatzaileek euskeraz egiteko hizkuntza jokaerea izango dabe eta entrenamentu guztietako hizkuntzea euskerea izan daiten lanean jarraituko dau Bermeoko Futbol Taldeak, datorren denporaldian be. Horretarako, euskerea erabilteko planifikazinoa egingo dau eta entrenatzaileen hizkuntza prestakuntzea areagotzen joango da.

- Bermeoko Futbol taldeak egingo dauzan ekintza eta jardura guztietan bermatuko da euskerearen erabilera bai ahoz, zein idatziz: harrobiaren etorkizuna bermatzeko jardueretan, eskola kirola bultzatzeko ekintzetan..., eta arreta berezia eskainiko jake gazteakaz edo gazteei zuzenduta egiten diran jardura edo ekintzei.

- Publizitatea eta komunikazio ekintzak euskeraz egingo dira bai ahoz, zein idatziz: kanpainak, argitaratzen diran programa, idatzi, iragarki, ohar, kartel, argazki, kamiseta eta gainontzekoak euskeraz egingo dira; futbol zelaiko publizitatea euskeraz egingo da; prentsurrekoak euskeraz egingo dira. Euskerea ez dan beste hizkuntzaren bat erabiltekotan, lehenetsun osoa emongo jako euskereari (3-1).

- Hitzaldiak, jaialdiak, lehiaketak... euskeraz izango dira. Hitzaldietan, hizlariak euskaldunak izango dira. Kasuren batean, hizlaria euskalduna ez



balitz, aurkezpen osoa euskeraz egingo da eta galdera erantzunetarako, itzultzaile lana egingo dauen pertsonaren bat egongo da euskaraz egiten diran galderak hizlariari azaltzeko.

- Ekintza konkretuetan, bozgorailu bidez mezurik emon behar izatekotan, euskeraz emongo dira horreek mezuak.

- Gabonetan eta udaldian futbol taldeak herriko umeentzat antolatzen dauzan campusetako hizkuntzea euskerea izango da.

- Ekitaldi publikorik egitekotan, euskeraz egingo dira horreek ekitaldiak.

- Bermeoko Futbol taldeak udalari eta herritarrei aurrez-aurreko hartu-emon, txosten eta azalpen guztiak, ahozko zein idatzizkoak, euskeraz bideratuko deutsez. Bestalde federazino, epaile eta abarregaz be hartu-emonak euskeraz izateko ahalegina egingo dau.

- Kalidadeko euskerea bermatuko da ekintza guztietan, eta udaleko Euskera Sailaren laguntzea izango dau futbol taldeak hizkuntza aholkularitza eta laguntza behar dauenean. Lana euskeraz egitea errazteko, besteak beste honako baliabideak eskainiko deutsoz: zuzendaritza taldearen lana errazteko, akta ereduak ipiniko deutsoz euren esku eta web gunea euskeraz txukun idatzita egon daiten laguntza eskainiko deutso.

- Denporaldi amaieran hizkuntza erispideen inguruko balorazioa egingo da eta datorren urteko helburuak ezarriko dira.

- Udalak eta futbol taldeak agerraldi publikoa egingo dabe, futbol taldeak eta entrenatzaileek egindako lana publikoki aitortzeko eta futbol taldearen konpromisoak zeintzuk diran zabaltzeko.

BEDERATZIGARRENA: Debekatutako jarduera sexistak.

- Debeku da pertsonen sexuan oinarritzen den bereizkeria oro, zuzenekoa zein zeharkakoa, edozein delarik ere hartarako erabilitako era.

- Ezin izango da adierazi, pertsonak, sexu batekoak edo bestekoak izateagatik, giza duintasun gutxiago edo gehiago dutela, ez eta objektu sexual soilak direla ere. Orobat, ezingo zaie zabalkundea eman emakumeen aurkako indarkeria justifikatu, horri garrantzia kendu edo horretara bultzatzen duten edukiei.

- Eskabidea aurkezten duen pertsonak eta erakunde eskatzaileak ez izatea administrazio – zehapenik edo zehapen penalik sexu – diskriminazioa egiteagatik; eta bestetik emakumeen eta gizonen berdintasunari buruzko otsailaren 18ko 4/2005 Legearen itzalpean debekurik ezarrita ez izatea.



HAMARGARRENA: Jasotako diruaren justifikazioa.

Futbol taldeak 2024ko abuztutik 2025eko uztailera doan denboraldian jasotako diruaren justifikazioa egin beharko dau, honeek dokumentuak ekarrita:

- Gastuen eta sarreraren balantzea, gastuen ganeko faktura originalak (fakturazioko betebeharrak bete behar dituzte azaroaren 30eko 1619/2012 Errege Dekretuak arautzen duen arabera) edo fotokopia konpultsatuak aurkeztu behar dira.

- Egiaztapena egin eta gero, originalak itzuli egingo dira. Ez da onartuko beste gastu batzuen justifikaziorik, horreek ez badabe balio diru-laguntzearen helburuak lortzeko (Taldeak bete beharreko udaleko dirulaguntza eskaria inprimakian jasotzen dira diruz lagundu daitezkezan kontzeptuak eta ezin direnak 1.1. inprimakia).

- Diru-laguntzea ezin izango da erabili kirolariei ordaintzeko, primetarako, oparietarako, protokoloko ekintzetarako eta bazkarietarako.

- Emondako diru guztia gastatu ez bada, justifikazioa eginda, itzuli egin beharko da.

Agiri guzti horiek, 2024.urteko urtarrilako hilabeteko epe barruan aurkeztuko dira, diru-laguntza emondako helburura bideratu dala egiaztatu eta gain-finantziaketa ete dagoan aztertu ahal izateko.

HAMAIKAGARRENA: Hitzarmena ez betetzearen ondorioak.

Futbol Taldeak hitzarmen honetan jasotakoak ez betetzeak, dirulaguntza murrizteko edo kentzeko arrazoia izango da, Dirulaguntzak arautzen dauzan 38/2003 Legearen 37. Artikuluagaz bat eta, horretarako, lege bereko 42.a artikuluak xedatzen dauan prozedura jarraituko da.

HAMABIGARRENA: Hitzarmenaren iraupena.

Hitzarmen honek 2023. urtean eukiko dau eragina, zazpigarren atalean aitaturako ondorioak 2023. urtea amaituta izapidetu edota aplikatzearen kalte barik.

HAMAHIRUGARRENA: Arau-hauste legez hartuko dira jokabide honeek:

- 1.- Hitzarmen honetan jasotako betebeharrak ez betetzea.
- 2.- Jasotako dirulaguntza ez justifikatzea horretarako emondako epean.
- 3.- Eskuratutako bestelako sarreraren barri ez emotea, bardin publikoak zein pribatuak izan.
- 4.- Gain-finantzaketarik balego, horren barri ez emotea edota itzuli beharreko kopuruak ez itzultzea.



5.-Dirulaguntzak arautzen dauzan 38/2003 Legean aurreikusitakoak (hauetan, kasuz kau izango da zati batean edo osorik itzultzea)

Lehenengo atalean jasotako arau-hausteen kasuan, onartutako dirulaguntza murriztea ekarriko dau zigor moduan, egindako ez betetzeen garrantziaren arabera kalkulatuko dana, ez bada ez betetzeen larritasunagaitik dirulaguntza osorik itzultzea erabagitzen dala.

Beste hiru ataletan aurreikusitako arau-hausteen kasuan, dirulaguntza osorik itzultzea ekarriko dau zigor moduan, eta hurrengo urteetan dirulaguntza barriak eskuratzeko ezintasuna suposatuko dau.

Zigor horreek ipinteko, hitzarmen honen hamaikagarren artikuluan adierazoten dan legez, 38/2003 legeak aurreikusitako prozedura jarraituko da eta, erabagia hartu orduko, interesdunari entzunaldia emoten jakola bermatuko da.

HAMALAU GARRENA: Legedi aplikagarria.

Hitzarmen honeri honako legedia aplikatuko jako:

1. Dirulaguntzak arautzen dauzan 38/2003 Legea.
2. Dirulaguntzen Legearen Erregelamendua onartzen dauan 887/2006 Errege Dekretua.
3. Zuzenbide administratiboko arau orokorrak.
4. Zuzenbide pribatuko arau orokorrak.

Hori horrela, hitzarmenean aurreikusten ez dan guztirako, edozein zalantza argitu eta hitzarmena interpretatzeko, aitatutako legediak aurreikusitakoa jarraituko da zehatz.

HAMABOS GARRENA: Jarraipen Batzorde Mistoia.

Hitzarmenaren edukiak betetzeko eta hitzarmenaren sustapen- eta jarraipen-eginkizunak garatzeko, Jarraipen Batzorde Mistoia eratuko da, bi alderdiek parekotasun-erregimenean izendatutako ordezkariekin. Lau kidek osatuko dute batzordea: Bermeoko Udaleko bi ordezkariak eta beste bi kideak Bermeoko Futbol Elkartearen ordezkariak.

Batzarren funtzionamendua, Sektore Publikoko Erregimen Juridikoa arautzen duen 40/2015 Legearen 15. eta hurrengoko artikuluetan xedatutakoa izango da. Bermeoko Udaleko alkatea izango da batzordeburua, eta hari dagokio bilkuretarako deia egitea eta bilkuren buru izatea, eta baita aktak ikus-onestea. Berdinketa gertatuz gero, haren botoa erabakigarria izango da.

HAMASEI GARRENA: Datuen Babesa.



Hitzarmen honen bidez diruz lagundutako erakundeak ez ditu erabiliko Bermeoko Udalaren erantzukizunpeko datu pertsonalik. Hala ere, diru-laguntzaren entitate onuradunak datu pertsonalen tratamendua egin beharko du, bere aginduei jarraikiz. Beraz, Bermeoko Futbol Taldea da erabiltzaileei buruzko datu pertsonalen tratamenduaren zuzeneko arduraduna, eta Datu Pertsonalak Babesteko eta Eskubide Digitalak Bermatzeko abenduaren 5eko 3/2018 Lege Organikoaren aginduak betetzera behartuta dago.

HAMAZAZPIGARRENA: Adingabeen babes.

Diruz lagundutako proiektuaren hartzaileak adingabeak direnez, diruz lagundutako proiektua gauzatzean bermatu egin behar da Adingabearen Babes Juridikoari buruzko urtarrilaren 15eko 1/1996 Lege Organikoaren 13.5 artikuluan xedatutakoa betetzen dela, hau da, adingabeekin dabilzan pertsonak epai irmo baten bidez kondenatuak ez izatea, sexu askatasun eta kalte-ordainaren aurkako delituren batengatik, adingabeen eraso, sexu-abusu eta ustelkeria barne, bai eta gizakien salerosketagatik ere.

HAMAZORTZIGARRENA: Hitzarmenaren izaera administratiboa.

Hitzarmen honen izaera administratiboa da. Ondorioz, honen aplikazio edo interpretazioan hartzen diran erabakiak bide administratiboari amaiera emongo deusez eta zuzenean aplikagarriak izango dira, Administrazioarekiko Auzibidean errekurritzeko eskubidearen kalte barik.

HEMERETZIGARRENA: Hitzarmen hau Diru-Laguntzen Base Nazionalean (BDSN) argitaratuko da, Sektore Publikoa Arrazionalizatzeari eta Administrazioa Erreformatzeko beste neurri batzuei buruzko irailaren 16ko 15/2014 Legeak aldatutako diru-laguntzen lege orokorraren 20.artikulua betez.

Eta honela ager daiten honako hau emoten dabenez, agiri hau onartzen dabe

**BERMEOKO UDALEKO
ALKATEA**
Nadia Nemeh Shomaly

**FUTBOL TALDEKO
PRESIDENTEA**
Ander Goienetxea Beitia

Jose Ramon Alberdi Asteinza
IDAZKARI AKZIDENTALA



jokotaro.

7) FEDERATIBEN TALDEEN AMAITZAK

- (TAIPE NASUA) BERMEO 1 - ZAMUDIO 1
- (REGIONAL TALDEA) OTARRONDA 30 - BERMEO 33
- (A SAZTEK) BERMEO 2 - IZABALZETA 2
- ATRAS 4 - BERMEO 1 (KARTE A)

8) Beste talde federatibak, besten diru uniteren 5 eta 6 gai

9) Baskitaren kintak hasi diru kobratzei.

10) GLENDITA ENPRESARI, ITAS-5.759,00 E ZELAIAN ESIN ^{DIREN} KONPONKETA 3.000 IPUNTZEN ORDAINDUKO DIRA

2.500,00 E Talsol Taldeak

5.759,00 E Udolak

Pai gehiago berik gaurko 9³⁰ amaitutak ematen dago lotzorra.

A collection of handwritten signatures and scribbles, including a large signature on the left, a star-like scribble in the center, and a signature on the right.

11) OHAR SARRANTZITSA.

a) Zuzendarien deialde bari bat izan dairen, zuzendari ez da aurkezten.


b) Dira hori loter, orain dagoen zuzendariak kidera emanen dago jantzeo.

Bueno legez izateak eta ardurak sakiteoreak.

CSV: 07E900130DBE00Z3Q1H0S8R3P3



BERMEO FUTBOL TALDEA



1950eko uztailaren 31n fundatua

ITXAS-GANE Futbol Zelaia
Matxitxako Bidea z/b
71. Apartatua
Tel / Fax: 94 618 6134
KP: 48370 Bermeo – Bizkaia
www.bermeofutboltaldea.com
bermeofutboltaldea@hotmail.com

Bermeon, 2024ko irailaren 27an

Bermeo Futbol Taldeak adierazten dau, Zuzendaritza Talderako hautagaitzen zerrenda aurkezteko epea amaitu ostean, eta hautagaitza barrien presentzia ezaren aurrean, Hauteskunde Batzordeak, bozketaren beharizanaren faltan, automatikoki hurrengo Zuzendaritza Taldea izendatzen dau hurrengo partaideez osotuz:

<u>Presidentea:</u>	Ander Goienetxea Beitia	72251101M
<u>Presidenteordea:</u>	Juan Maria Abio Abio	14903925V
<u>Presidenteordea:</u>	Ane Larrinaga Duarte	72247856A
<u>Idazkaria:</u>	Juan Carlos Goienetxea Beitia	14869552Y
<u>Diruzaina:</u>	Asier Abaroa Astorkiza	30595683W
<u>Batzordekidea:</u>	Iñigo Gil Alegria	14607277T
<u>Batzordekidea:</u>	Iñigo Herranz Martinez	14604942B
<u>Batzorkidea:</u>	Kepa Gangoiti Gabantxo	78877615N
<u>Batzordekidea:</u>	Mikel Aingeru Roman Franco	30610993V
<u>Batzordekidea:</u>	Jon Ander Goienetxea Layuno	30675533X

Presidentea

Bermeo Futbol Taldea



Idazkaria

CSV: 07E900130DBE00Z3Q1H0S8R3P3




Kodea:
07E900130DBE00Z3Q1H0S8R3P3

Sinadurea eta data
CN=isa.izenpe.com, ORGANIZATIONIDENTIFIER=VATES-A01337260, O=ZIURTAPEN ETA ZERBITZU
[RR.DD.-] REGISTRO DE DOCUMENTOS ENTRADA 01 2025 7145 - 21/05/2025 18:55

ENTRADA: 20257145
Data: 21/05/2025
Lekua: Bermeon
Erregistro unidatea:
Erregistro nagusia



BERMEO FUTBOL TALDEA



1950eko uztailaren 31n fundatua

ITXAS-GANE Futbol Zelaia
Matxitxako Bidea z/b
71. Apartatua
Tel / Fax: 94 618 6134
KP: 48370 Bermeo – Bizkaia
www.bermeofutboltaldea.com
bermeofutboltaldea@hotmail.com

IDAZKARIAREN ZIURTAGIRIA

Nik, **Juan Karlos Goienetxea Beitiak**, 14869552Y NANdunak, **BERMEO FUTBOL TALDEA** kirol-erakundeko idazkari nazen aldetik, **ZIURTATZEN DOT, 2024ko irailaren 27an** egindako Batzar Orokorrean erabakitakoaren arabera, kirol-erakunde horren gaur egungo Zuzendaritza Batzordea holan osotuta geratu zala:

<u>Presidentea:</u>	Ander Goienetxea Beitia	72251101M
<u>Presidenteordea:</u>	Juan Maria Abio Abio	14903925V
<u>Presidenteordea:</u>	Ane Larrinaga Duarte	72247856A
<u>Idazkaria:</u>	Juan Carlos Goienetxea Beitia	14869552Y
<u>Diruzaina:</u>	Asier Abaroa Astorkiza	30595683W
<u>Batzordekidea:</u>	Iñigo Gil Alegria	14607277T
<u>Batzordekidea:</u>	Iñigo Herranz Martinez	14604942B
<u>Batzorkidea:</u>	Kepa Gangoiti Gabantxo	78877615N
<u>Batzordekidea:</u>	Mikel Aingeru Roman Franco	30610993V
<u>Batzordekidea:</u>	Jon Ander Goienetxea Layuno	30675533X

Ziurtagiri hau Bermeoko Udalean aurkezteko baino ez da egiten, jagokon administrazio- eta/edo kudeaketa-helburuetarako.

Eta holan jasota gera daiten, hau sinatzen dot.

Bermeon, 2025eko maiatzaren 21ean

Idazkaria: Juan Karlos Goienetxea Beitia



CSV: 07E900130DBE00Z3Q1H0S8R3P3



Kodea:
07E900130DBE00Z3Q1H0S8R3P3

[RR.DD.-] REGISTRO DE DOCUMENTOS ENTRADA 01 2025 7145 - 21/05/2025 18:55

Lekua: Bermeon
Erregistro unidatea:
Erregistro nagusia

